



Senin, 26 Juli 2021
Ogen: Markus 3:28-29



"Kisah Si Badia La Terbuahi"



Adi ercakup kita kerna Kesah Si Badia berarti kita ercakup kerna kerina si mehuli. Megati kel i bas kita ndalani kegeluhenta sijumpai erbage-bage pencubaan sierbanca kita melket, tapi Kesah Si Badia e mereken kata persinget man banta gelah la silakoken kerna dosa si melket ndai. I bas perjuangenta ngelawan dosa e, Kesah Si Badia e la terbuali, maksudna tetap nge pendahin Kesah Si Badia e si meganjangna si erbanca talu dosa e. Tapi kinatana, mbue kita la makeken Kesah Si Badia e i bas kita ndalani kegeluhenta. Sura-sura doni e nggo belinen ngkuasai geluhta. Ingetlah, erpalasken kitab Markus 3:29, dosa si la ialemi eme nimbak Kesah Si Badia.

Renungenta sendah, *Kesah Si Badia La terbuali*, sebab IA me Kesah Dibata si meteh kerina isi pusuhta. pendahin Kesah Si Badia e mabai geluhta ersikapna, ras erpayona. Kesah e erdahin i bas pusuh si mbagesna kal, e maka ietehNa kerina si lit bas pusuhta. Kalak sinimbak pendahin Kesah Si Badia berarti itulakna dirina jadi anak-anak Dibata. Kalak si la ngakuken dirina jadi anak Dibata gelap me kegeluhenna. Nggeluh me ia i bas dosa. Si ngaloken Kesah Si Badia e ras ngikutkensa, geluhna ipelimbarui. Lit sekalak diberu, kitik-kitikna nari nggo jadi kalak Kristen, tapi erjabu ia ras kalak si la eragama Kristen. Tehna nge kerna perbahanenna e salah, tapi tetap iputuskenna guna nadingken kinitekenna e gelah baci erjabu ras teman-temanna ndai. Enda me salah sada contoh nimbak Kesah Si Badia. Ise pe kita, kai pe sura-surata tetapliah ikutken dingan dalanken pendahin Kesah Si Badia bas geluhta. Amin gia, pendahin Kesah Si Badia e megati la bagi sura-surata, tapi teklah kita sura-sura Kesah Si Badia e la terbuali, ia maba kemalemen ate, maba kedamen, maba kesangapen, maba kegeluhen bagi singena ate Dibata.



[The main body of the page is a large, blank white area with a wavy, torn-paper-like border. It contains no text or other content.]